

Papahana Ho'omākaukau Kumu 'Ōiwi 'o Kahuawaiola

PAPA HŌ'OIA

- Ka Palapala Noi Komo Kulanui
- Ke kāki noi komo he \$50
- Ka Palapala Noi Komo Kahuawaiola
- Ka leka noi komo
- Ka mo'omō'ali kaha kulanui (na ke kulanui e ho'ouana pololei mai)
- Nā leka kākō'o he 'ekolu
- Ka Palapala Hō'ouia Hana
- Nā kaha Praxis [Kahuawaiola: 9200]
- Ka nīnauele

LĀ PALENA PAU MAKAKOHO: 01 Kekemapa

KA PAPA HANA

'O ka papahana ho'omākaukau kumu 'ōiwi 'o Kahuawaiola, he polokalamu mulipuka ia, he 'ekolu kau kona lō'ihī i kūkulu 'ia no ka ho'omākaukau 'ana i nā kumu Mauli Ola Hawai'i no ka ho'ona'auao ma o ka 'ōlelo Hawai'i, no nā polokalamu a'o 'ōlelo a mo'omeheu Hawai'i a no nā kula e lawelawe ana no nā haumāna kuana'ike Hawai'i. Ma ka puka kūhelu 'ana o nā haumāna mai Kahuawaiola e kō ai kekahi o nā koina Laikini Kumu A'o Paekomo a ka Hawai'i Teacher Standards Board.

Ke mālama 'ia nei 'o Kahuawaiola e Ke Koleke 'Ōlelo Hawai'i 'o Ka Haka 'Ula O Ke'elīkōlani ma loko o ka 'ōlelo Hawai'i wale nō, a pēlā nō ho'i ma luna o ke kahua mo'omeheu Hawai'i. I ka wā e kū nei, he mālama wale 'ia nō nā papa kahua 'ike o Kahuawaiola i ke kauwela a 'a'ole i ke kau kula ma'amau. Me ia mana'o e 'ae 'ia ai ke komo o nā moho hou ma ka ho'omaka o ke kauwela wale nō. Ma nā kau hā'ulelau a me ke kupulau, ho'onoho 'ia nā moho Kahuawaiola i nā kula mauli ola kaiapuni me ke kōkua o nā kahu a'oākumu a me ka luna a'oākumu me ke a'o 'ia o nā papa seminā ma nā hopenapule. Koi 'ia nā moho e komo ma ke kulanui haumāna manawa piha ma nā kau 'ekolu o ka papahana.

Hāmama ka polokalamu i nā 'ano haumāna like 'ole a pau, 'a'ole i nā haumāna wale nō nona ka B.A. Ha'awina Hawai'i no Ke Kulanui o Hawai'i ma Hilo, akā, i kēlā mea kēia mea nona kekahi kēkelē muapuka e koi ana he 120 'ai a 'oi paha, he 45 a 'oi ma ka pae 300 a ma luna a'e paha a e kō ana nā koina 'ōlelo a mo'omeheu Hawai'i e helu 'ia nei ma ka puke helu papa kulanui UHH.

KE KA'INA HANA NOI KOMO

'O ka lā palena pau no ke noi komo ka lā 01 o Kekemapa. Ma hope o ia lā, e 'ae wale 'ia nō nā noi lohi inā mau nō ka lawa o ka lumi.

E ho'ouana 'ia ka pepa noi komo a me nā palapala kākō'o a pau i ke Ke'ena 'Ae Komo o ke Kulanui. Nāna e mālama a ho'oholo loa i ke kulanui o ka mea noi. Inā 'a'ole hō'ike mai ia Ke'ena i ka loa'a 'ana mai o kōu noi he 30 lā ma hope o kou ho'ouana 'ana aku, e 'olu'olu e kelepona i ka helu 808-974-7414.

E pane'e 'ia aku nā noi e kū ana i nā koina a pau i ke Kōmike 'Ae Komo o Kahuawaiola. E ho'ouana 'ia aku nā mana'o ho'oholo o ke Kōmike i ke Ke'ena 'Ae Komo nāna e hō'ike aku i ka mea noi.

NĀ KOINA E KOMO AI

1. ka ho'opihapiha pono 'ana i nā palapala noi komo.
2. ke kēkelē laepua no kekahi kulanui i 'āpono 'ia, me ka mēkia i 'āpono 'ia e ka Mokuna Papahana Kālai'ike.
3. ka 'awelike kaha he 3.0 ke emi loa o nā 'ai hope loa he 60.ma ka mēkia a me ka huinanui o nā kaha.
4. ka 'awelike kaha he 2.75 ke emi loa ma ka mēkia.
5. 'ehā makahiki 'ōlelo Hawai'i me ka 'awelike kaha he 2.75 ke emi loa no ka makahiki 'ekolu a me ka 'ehā, a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau 'ōlelo.
6. ka puka 'ana ma ho'okahi o nā papa penei: HWST 111, 211, 213; a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau mo'omeheu Hawai'i.
7. ka puka 'ana ma ho'okahi o nā papa penei: HWST 205, 471, 472, 473, 474; a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau mo'omeheu Hawai'i.
8. ka puka 'ana ma ka papa: HAW 490.
9. 50 hola hana ma kekahi kula ho'olu'u 'ōlelo Hawai'i, A I 'OLE 30 hola hana ma ke kula ho'olu'u 'ōlelo Hawai'i me ke 30 hou hola hana ma ka ho'omohala ha'awina 'ana ma loko o ka 'ōlelo Hawai'i.
10. ka puka 'ana ma ka hō'ike Praxis I (heluhelu, kākau, makemakika) a ma ka māhele ma'io kula ki'eki'e o ka hō'ike Praxis II.
11. nīnauele na nā kumu Kahuawaiola.

KA LEKA NOI KOMO

E kākau i leka noi komo e pane ana i kēia mau nīnau:

1. *He aha nā kumu i ulu ai kou makemake e lilo i kumu Maui Ola Hawai'i?*
2. *He aha kou ikaika a me ka nāwaliwali ma ke a'o haumāna 'ana?*
3. *He aha ka waiwai o ka ho'oulu 'ana i ka maui Hawai'i ka haumāna a, pehea e ho'oulu 'ia ai ma loko o ka ha'awina kula?*

NĀ KOINA PUKA

Loiloi 'ia ka puka ma ka papahana ma luna o ke kō piha o nā papa he 'eiwa, me ke kaha "B" a 'oi a me ka 'awelike kaha he 3.0 ke emi loa:

NĀ PAPA KAHUAWAIOLA

- | | | |
|---------|-----|---|
| KED 620 | (3) | Paepae Ho'ona'auao
no ke Kula Maui Ola |
| KED 621 | (3) | Mākau 'Ōlelo no ke Kula Maui
Ola |
| KED 622 | (2) | Makemakika me ka 'Epekema
no ke Kula Maui Ola |
| KED 623 | (2) | Pilikanaka no ke Kula Maui Ola |
| KED 624 | (3) | Pāheona, Pāpaho a me ka Mākau
Kino no ke Kula Maui Ola |
| KED 641 | (9) | A'oākumu I |
| KED 642 | (3) | Seminā A'oākumu I |
| KED 643 | (9) | A'oākumu II |
| KED 644 | (3) | Seminā A'oākumu II |

MANA'O HOU

'O nā haumāna puka piha ma Kahuawaiola, e hoihoi ana nō paha i ka ho'omau a noi komo hou aku ma ka papahana M.A. Ho'ona'auao 'Ōlelo a Mo'omeheu 'Ōiwi e mālama pū 'ia nei ma lalo o Ke Kōleke 'Ōlelo Hawai'i 'o Ka Haka 'Ula o Ke'elīkōlani ma Ke Kulanui o Hawai'i ma Hilo. He papahana ho'omākaukau ia i ka po'e e a'o ana i ka 'ōlelo a me ka mo'omeheu 'ōiwi, e la'a me nā kumu kula, nā po'okumu, nā laekahi kumuwaiwai mo'omeheu 'ōiwi, a me ia 'ano aku ia 'ano aku o ka po'e a'o 'ike 'ōiwi.

No kekahi 'ike hou aku no ka M.A. Ho'ona'auao 'Ōlelo a Mo'omeheu 'Ōiwi, e ho'oka'a'ike aku e like me ka 'ikepili e waiho nei ma lalo.

No ka 'ikepili 'ae komo, e kama'ilio me:

Māhealani Jones
UH Hilo Admissions Office
200 West Kāwili Street
Hilo, HI 96720-4091
Phone: 808-974-7414, 800-897-4456
Fax: 808-933-0861
amyj@hawaii.edu
www.uhh.hawaii.edu/academics/graduate

No kekahi 'ikepili hou aku no ka papahana Kahuawaiola a me nā koina HTSB a DOE paha, e kama'ilio me:

Ku'u lei Kepa'a
Ka Haka 'Ula O Ke'elīkōlani
College of Hawaiian Language
Phone: 808-974-7796
Fax: 808-974-7797
kuulei@leoki.uhh.hawaii.edu
www.kahuawaiola.org